

敬存詩詞一百首

敬存詩
詞


院圖書館

章

百首

江苏工业学院

藏书





張敬存遺像

生於 農歷一九零四年七月初四日
公歷一九零四年八月十四日

終於 農歷一九九零年潤五月二十日
公歷一九九零年七月十二日

自序

余生于甲辰，于今八十有四矣。半生執教，愧無建樹。惟幸躬逢解放之年，眼見大好河山，春光萬里；而濁滓橫流，清芬消歇之世已一去不復返矣，此又與億萬人民一起足以自豪者。

詩言志。束髮受書，即愛讀詩詞。解放后新人新事如雨后春筍，在現實生活中是有所感賦。檢點舊篋，尚得詩稿百篇，不欲問世，但願留給后裔，以資紀念。此外將送呈相知舊雨，則拋磚引玉，有厚望焉。

張敬存于廣州寓廬
一九八八年六月

目 錄

1. 春城早望	1
2. 舟中望羅浮次韵	1
3. 除夕	1
4. 水仙花	1
5. 重陽	2
6. 寄廣州大兒二兒	2
7. 栽葱	2
8. 讀魯迅小說《藥》	2
9. 水調歌頭	3
10. 運石	3
11. 憶江南（二首）	4
12. 搶救	4
13. 坎坎坷坎中學前門跨湖大道建成	5
14. 坎坎坷坎寧江大橋建成	5
15. 武漢長江大橋建成	5
16. 五華水寨新縣治	6
17. 興寧合水水庫	6
18. 看電影《八女投江》	6
19. 備課	7
20. 贈畢業學生回鄉	7
21. 水寨水口兩處大石橋建成	7

22.	汕頭粵石桃花澗	8
23.	潮陽海門	8
24.	送選參空軍學生	8
25.	送男女二生申請回鄉務農（二首）	9
26.	六十述懷	9
27.	暑假	9
28.	送女赴海南	10
29.	漁家傲——湖柏大隊晚造大豐收	10
30.	東湖冬夜讀書	11
31.	參觀廣州魯迅紀念館	11
32.	讀史一首	11
33.	出珠江口船上	11
34.	海南雜詠（二首）	12
35.	夜坐	12
36.	送玉昆再度赴昆明兼柬雲堅、均賢、力平	12
37.	感時二首	13
38.	和潘允中教授次韵	13
39.	曾省教授練身有恒賦此以贈	13
40.	越王臺	14
41.	廣州除夕花市	14
42.	夕陽——次五華先賢溫訓原韵	14
43.	贈鈍翁	14
44.	贈羅科明大夫	15

45. 讀鈍翁《賣花聲》一闋賦贈.....	15
46. 周總理逝世周年紀念.....	15
47. 浴日亭次東坡原韵.....	16
48. 穰城閑居雜詠三首.....	16
49. 遺懷.....	17
50. 詠水上卧蓮.....	17
51. 參觀北京故宮那拉氏罪行展覽有感.....	17
52. 秦淮河.....	17
53. 西冷觀荷花想起南宋偏安事.....	18
54. 杭州西湖靈隱寺.....	18
55. 黃浦江邊.....	18
56. 庚申春節在張琮同志家觀賞桃花.....	18
57. 與關羅兩同志游丹霞山（三首）.....	19
58. 重遊白雲山次韵.....	19
59. 韶關道上.....	20
60. 爲某同志錯案改正代作.....	20
61. 重遊廈門（二首）.....	20
62. 聞汕頭已故陳煥新同志恢復名譽有感.....	21
63. 悼亡媳毛力英五言十韵.....	21
64. 和羅元貞教授《喜天晴》次韵.....	22
65. 叱石謁黃公輔先生祠.....	22
66. 讀陳恭尹厓門謁三忠祠之作.....	22
67. 白雲山.....	22

68.	灘江秋泛	23
68.	蘆笛觀奇	23
70.	訪劉逸生	23
71.	和陳子川老師見贈	23
72.	養生	24
73.	詠木芙蓉	24
74.	詠蘭	24
75.	頌安珂	24
76.	望海潮——深圳特區贊	25
77.	奉節	25
78.	小三峽（二首）	26
78.	秭歸及香溪	26
79.	登岳陽樓	26
80.	張家界青岩山即景（二首）	27
81.	寄陳向老師	27
82.	乙丑還鄉重九登神山感賦	28
83.	丙寅秋重上羅浮（二首）	28
84.	遣興	28
85.	興寧縣立一中八十周年校慶	29
86.	吊懷光	29
87.	銀盤金盞水仙花	29
	憶父親	30
	附錄	34

疏林半蕭瑟
遠浦入蒼茫

故有夕陽詩意

春城早望

黃鸝三兩報春晴，拂曙登臨百雉城。
楊柳臨風偏弄影，花枝凝露卻含情。
山雲似曙還非曙，濠水無聲勝有聲。
為愛人間春色開，豈關耽樂覓詩清。

舟中望羅浮次韵

登臨無計一行舟，水枕篷窗作卧遊。
四百峰巒誰是主，半輪秋月在羅浮。

除 夕

梓澤園中誇富樂，昌黎宅里送窮忙。
天心莫問沉沉夜，各有燈花入夢香。

水仙花

枕流漱石慣清寒，無怨東君一顧難。
自是神仙淪小謫，姑隨蘭蕙到人間。

愛入名山臥晚霞

敬存遺詩

重陽 1948年

話插茱萸恨轉多，奈何兩地尚干戈。
絕裾既抱沉舟志，誰共吾郎擊楫歌。

寄廣州大兒二兒

弟第八鄉兄九連，相望兩地滿硝烟。
珠江洗甲全師勝，此夕重逢豈偶然。

栽 葱

尺土疑同天地大，千尖都在此中來。
虛心向上渾無礙，日日扶長翠作堆。

讀魯迅小說《藥》

孰令饅頭污碧血，忍看黃土斂英魂。
老鴉不解興亡恨，偏送啼聲到墓門。

疏林半蕭瑟
遠浦入蒼茫

故有《陽詩》云

水調歌頭

獨善非吾願，兼濟愧無才。
憶昔青燈黃卷，風雨夢初回。
忽報東皇駕降，千里江山一色，
縱目上高臺。
逢春復乍霽，萬壑殷其雷。

蕩三亂，人六億，氣雄恢。
今生何幸，不疑人世有蓬萊。
教育百年大計，此日樹人樹木，
我亦喜相陪。
桃李應無恙，春風次第開。

注：“東皇”——春神

運 石

撐腸不顧書千卷，運石猶貪酒一卮。
說與故人休笑我，豪情勝似少年時。

愛入名山卧晚霞
敬存蓬萊詩圖

憶江南（二首）

——解放後故鄉新風尚

春潮白，
楊柳渡江青。
士女閑閑行且住，
夕陽林外客舟停。
廣播最宜聽。

江城柳，
無語倚東風。
榆莢悔教同舞翠，
木棉爭共太陽紅。
能不拜英雄。

搶 救

勇士奇男夜起床，脫衣赤膊戰龍王。
投篙怒遏千重浪，救出哀哀產后娘。

疏林半蕭瑟
遠浦入蒼茫

致有昌陽詩友

尼陂中學前門跨湖大道築成

大道出滄波，論功保爾多。
記曾雷雨夕，轉戰曲池濶。

尼陂寧江大橋建成

一橋飛架處，春水照人過。
感彼勞動者，安得不為歌。
昔愁舟楫少，今見車馬多。
落日市初散，憑欄看九河。

武漢長江大橋建成

接天波浪夢雲間，無復迷津信往還。
一道長虹橫楚岫，半空燈火照荆山。
鎖江雄視龜蛇靜，越塹高馳軫轂繁。
一綫迢迢貫南北，驅車指日到長安。

愛入名山臥晚霞
敬存遺光詩

五華水寨新縣治

興華兩地齒唇連，風雨從來共一川。
新治宏模歌此日，紅旗赤隊話當年。
別溪三月饒春雨，隔岸千家墾壟田。
一自青山着意后，長橋飛出大江邊。

注：水源於五華岐嶺藍關流入興寧，古稱興寧江，
有左右別溪，分別由五華興寧注入。

興寧合水水庫

為何風景異當年，十里平湖在眼前。
秋桔四圍金綬樹，夜魚千尾浪翻淵。
水應未怨無閒日，地合長明不夜天。
新著水經天下看，分明綜合自多妍。

看电影《八女投江》

不為俘虜毀刀槍，馬革裹尸下戰場。
江水當年添熱血，姓名長伴牡丹香。

疏林半蕭瑟
遠浦入蒼茫

故宮皇陽詩

備 課

燈檠書幾道相從，斟酌期收造化功。
老眼常思人借鏡，白頭長幸月同窗。
字詞訓詁參新舊，今古文章論異同。
絃誦十年容易過，笑看桃李又春風。

贈畢業學生回鄉

有志何須萬里行，故鄉春在盡堪耕。
耘鋤常為千家想，文武俱能百事成。
漫說諸生培好德，竟教吾輩激深情。
年來桃李花爭發，多在農村少在城。

水寨水口兩處大石橋建成

絕技清江兩處標，青山雕出臥龍腰。
女媧只解補天缺，不解攔河造石橋。

愛入名山卧晚霞
敬存遺笑詩圖

汕頭礐石桃花洞

嶺表風清海日融，石林春到更葱蘢。
繁花樹繞千岩碧，亂石雲封一徑通。
幽洞飛泉寒濶客，危崖起閣遠瞻空。
遊人小憩談勞逸，手創繁榮在望中。

潮陽海門

棉城古地接南溟，春日歛聲四處騰。
海水有門嚴守衛，江山無恙靖烽烟。
昔聞石裂傷心地，今見花開滿目斑。
極目水天相接處，斜陽千點是漁船。

注：“石裂”指蓮花峰相傳文天祥曾到此

送選參空軍學生

萬里一時開驥足，九霄他日見鵬搏。
長纓為有擒王策，毛著憑君仔細觀。

疏林半蕭瑟
遠浦入蒼茫

故鄉多雨露

送男女二生申請回鄉務農（二首）

迥異嬌花與弱柳，中宵起坐寫千行。
兄弟一家皆為國，務農又見妹名揚。

其二

少年志氣亦嶙峋，不做書生做農民。
那怕冷風又冷雨，更將真理說雙親。

六十述懷

丈夫六十不知秋，肯向崦嵫作短吟。
正戴新天育新種，世間唯此最關心。

暑 假

長夏無賓客，幽思玉枕邊。
茅簷分古樹，枝葉碎藍天。
花草階前寂，蟬聲戶外喧。
秋涼容可待，病起拾殘篇。